

BASKIJA, VALENSIJA i MADRID

Od Atlantika do Mediterana

Bilbao –San Sebastian - Pamplona – Zaragoza - Valensija – Madrid

08.04.2026. SARAJEVO - ISTANBUL – BILBAO

1. DAN, (SRIJEDA) – Sastanak grupe na Međunarodnom aerodromu Sarajevo u 07:00 sati. Prijava za let Sarajevo – Istanbul. Let u 08:55 sati. Obrok i piće u avionu. Dolazak u Istanbul planiran je u 11:55 sati. Nastavak leta Istanbul – Bilbao u 14:05 sati. Obrok i piće u avionu. Dolazak u Bilbao planiran je u 17:25 sati. NAPOMENA: Putnici predaju prtljag na aerodromu Sarajevo, a preuzimaju na aerodromu Bilbao Dozvoljena težina prtljaga do 30 kg + 8 kg ručnog prtljaga. Nakon obavljenih carinskih formalnosti slijedi transfer do hotela uz kraći panoramski razgled grada: Most Deusto uz prekrasan pogled na grad - Muzej Guggenheim - Plaza Moyua, centralni trg novog dijela Bilbao - Moderni Iberdrola Toranj – Muzej Primijenjene umjetnosti - Palacio Euskalduna De Congresos Y Musica – Stadion San Mames. Smještaj u hotel. Budući da je Bilbao svjetski poznat po gastronomskoj ponudi, preporučujem večeru u odličnim baskijskim tavernama, a svakako treba probati jela od bakalara, njihove odlične pintxose i počastiti se izvrsnim baskijskim vinom txakoli. Noćenje.

09.04.2026. BILBAO – SAN SEBASTIAN – PAMPLONA

2. DAN, (ČETVRTAK) – Doručak. Nakon doručka slijedi fakultativno razgled starog dijela grada Casco Viejo, pješačke zone s historijom dužom od 700 godina: Gradska vijećnica – Stanica Concordia poznata i kao stanica Santander – Teatar Arriaga – Crkva Sv. Nikole – Katedrala Santiago ili Katedrala Sv. Jakova – Plaza Nueva ili Plaza Barrio, monumentalni trg sagrađen u Neoklasističkom stilu – Pseća Fontana – Trg Miguela Unamuna – stepenice Begoña kojima se ide do Bazilike Begona, jedne od najpoznatijih građevina Bilbao koja se nalazi na gornjem gradu. Šetnja 7 ulica srednjovjekovnog Bilbao, gdje svaka od ulica nosi ime jednog od zanata koji je bio specifičan za ovu ulicu – crkva Sv. Antona i Kameni Most – Tržnica Ribera, za koju neki kažu da je najveća tržnica zatvorenog tipa u Europi, idealno mjesto za probu lokalne kuhinje. Potom slijedi šetnja novijim dijelom grada: Ulica Don Diega Lopeza koji se smatra osnivačem Bilbao – Plaza Moyua – Muzej Guggenheim (nije uključena cijena ulaznice), Nastavak putovanja pored obale Atlantskog okeana (Kantabrijska obala) do romantičnog grada San Sebastiana (100 km), mondenskog ljetovališta i sjedišta filmskog festivala „Zlatna školjka“. Panoramska vožnja gradom, te šetnja starim dijelom grada Parte Vieja i Antiguo. Nastavak vožnje od Pamplone (80 km). Smještaj u hotel. Noćenje.

10.04.2026. PAMPLONA – ZARAGOZA

3. DAN, (PETAK) – Doručak. Za Pamplonu se može reći da je pravu svjetsku slavu stekla zahvaljujući čuvenom Ernestu Hemingveju i njegovom romanu „Sunce se ponovo rađa“. Smještena na obalama Arga, Pamplona je finansijski, trgovački i upravni centar Navarre. Panoramski razgled grada. Nastavak putovanja do Zaragoze. **Zaragoza je peti po veličini španski grad** i glavni grad pokrajine Aragon. Većina značajnih mjesta koja vrijedi pogledati smještena su oko velikog trga, **Plaza de Pilar**. Najimpresivnija je **Bazilica de Nuestra Senora del Pilar** s ogromnom crkvom koja ima 11 kupola sa živopisnim crijepovima. U blizini se nalazi **Palacio Espanol**, **katedrala La Seo** izgrađena u različitim stilovima. Dio eksterijera obložen je tipičnim ukrasima od opeke i keramike u Mudejar stilu, a u unutrašnjosti se mogu vidjeti lijepi gotički ukrasi i prekrasne flamanske tapiserije. U blizini se nalazi raskošni zvonik u Mudejar stilu **crkve Iglesia de la Magdalena** i ostaci rimskog foruma. Treba vidjeti pijacu **Mercado de Lanuza** s bogatim secesijskim dekoracijama. Jedan od najvećih spomenika u Zaragozi nalazi se na cesti za Bilbao. **Aljaferia** je utvrđena islamska palača iz druge polovice 11. stoljeća, te jedan od najbolje očuvanih u Španjolskoj, građena u prepoznatljivom crvenkastom Mudejar

stil. Dvorište s čipkastim lukovima okružuje vrt i malu džamiju. Doplata za ulaznicu u palatu Aljaferia 5 EUR po osobi. Smještaj u hotelu. **Noćenje.**

11.04.2026. – ZARAGOZA – TERUEL – VALENSIJA

4. DAN, (SUBOTA) – Doručak. Nastavak programa putovanjem do grada **Teruel** (170 km). Teruel je bio poprište mnogih bitaka od osnivanja, a počelo je sa Rimljanima. Tokom rekonkviste grad je postao strateški vrlo važnim mjestom. Godine 1171. Alfons II ponovo je osvojio Teruel u ime kršćanske Španije. Mnogi muslimani su nastavili mirno živjeti gradu koji je prpeun tornjeva u Mudejar stilu. Zadnja džamija je zatvorena tek na vrhuncu inkvizicije 1502. godine. U starom dijelu se nalazi Plaza del Torico klinastog oblika i sa malim kipom bika, simbolom grada. Pet tornjeva u Mudejar stilu se nalaze u blizni. U unutrašnjosti Iglesia de San Pedro (bez ulaznice) nalaze se grobnice poznatih ljubavnika iz Teruela. Nastavak vožnje prema Valensiji (145 km). Dolazak je planiran poslijepodne. Smještaj u hotel. Slobodno vrijeme. Noćenje.

12.04.2026. VALENSIJA

5. DAN, (NEDJELJA) Doručak. Fakultativno polazak u poludnevni razgled grada. Valensija, treći po veličini grad u Španiji, nalazi se na rijeci Turia i usred vrta tj. Buerte, podne doline pune nasada narandži i vrtova u kojima se uzgajaju voće i povrće. Grad su 138. godine p.n.e. osnovali Rimljani, a kasnije zauzeli Mauri. Danas je Valensija jedna od najpopularnijih turističkih destinacija Španije koju godišnje posjeti veliki broj turista iz cijelog svijeta. Neke od turističkih atrakcija su: La Plaza de la Virgin, El Mercado central, La Ciudad de las Artes y las Ciencias, El Parque natural de la Albufera, Katedrala, stadion Mestalla, i dr. Slobodno poslijepodne za individualne obilaske. Noćenje.

13.04.2026. VALENSIJA – MADRID

6. DAN, (PONEDJELJAK) – Doručak. Nastavak putovanja prema Madridu (360 km). Dolazak u Madrid u poslijepodnevnim satima. Panoramski razgled grada autobusom: Kio Puerta ili "Vrata Europe" - Paseo de la Castellana jedna od najvažnijih gradskih avenija - stadion Santiago Bernabeu - Plaza Colón, Kolumbov trg - fontana Cibeles - Gran Vía - Plaza España - Paseo del Prado, dio gradske avenije uz koji se smjestilo nekoliko poznatih muzeja - Retiro, glasoviti gradski park - Atocha - Puerta de Alcalá - Las Ventas, arena za borbe s bikovima. Smještaj u hotel. Slobodno vrijeme. Noćenje.

14.04.2026. MADRID

7. DAN, (UTORAK) – Doručak. Madrid se nalazi u srcu Španije, tj. Pirinejskog poluostrva na 665 metara nadmorske visine i kao takav, predstavlja glavni grad sa najvećom nadmorskom visinom u Španiji i Evropi. Fakultativno pješačka tura najstariji dio Madrida, tzv. „Austrijski Madrid“ ili Madrid Habsburgovaca: Palacio Real, službena rezidencija španjolskih kraljeva – Plaza Oriente – Teatro Real – Plaza de la Vila – Plaza Mayor, glavni starogradske trg na kojem ćemo napraviti pauzu. Slobodno poslijepodne za obilaske muzeja, kupovinu ili jednostavno uživanje u poznatim madridskim četvrtima kao što su Huertas, Malasaña ili živahna i otkačena Chueca. Slobodno vrijeme. Iskoristite mogućnost za odlazak u neki od svjetski poznatih muzeja: Madrid je jedan od najznačajnijih europskih „muzejskih“ gradova, poznat po svom "Trokutu umjetnosti" koji čine Prado - uz Louvre i Ermitaž najpoznatiji europski muzej – a u kojem je smještena iznimna kraljevska zbirka španjolskog i europskog slikarstva; Muzej Thyssen-Bornemisza u palači Villahermosa, fantastična privatna kolekcija baruna Thyssena u kojoj se nalaze umjetnine od Donatella, preko Moneta i Gauguina do Roya Lichtensteina; Centro del Arte Reina Sofía, nekada gradska bolnica, fascinantna muzej moderne umjetnosti čiji je najpoznatiji eksponat Picassova "Guernica". Povratak u hotel. Noćenje.

15.04.2026. MADRID – ISTANBUL - SARAJEVO

8. DAN, (SRIJEDA) – Doručak. Transfer do aerodroma u Madrid. Prijava za let broj TK1858, na relaciji Madrid – Istanbul, let u 12:00 sati. Obrok i piće u avionu. Dolazak u Istanbul planiran je u 17:10 sati. Nastavak leta na relaciji Istanbul – Sarajevo, planiran je u 18:50 sati, let broj TK1025. Obrok i piće u avionu. NAPOMENA: Putnici predaju prtljag na aerodromu Madrid, a preuzimaju na aerodromu Sarajevo. Dozvoljena težina prtljaga do 30 kg + 8 kg ručnog prtljaga. Dolazak u Sarajevo planiran je u 19:45 sati. Kraj usluge.

CIJENA: 1.755,00 KM; za rezervacije do 31.01.2026.

CIJENA UKLJUČUJE:

- avio prevoz na relaciji Sarajevo – Bilbao i Madrid – Sarajevo (Via Istanbul), u ekonomskoj klasi, avio kompanija Turkish airlines,
- obroke i piće na svakom letu, prtljag 30 kg predani + 8 kg ručni,
- sve bus transfere predviđene programom putovanja,
- smještaj u hotelima 3 ili 4 zvjezdice i to u:
 - Bilbao na bazi 1 noćenja sa doručkom,
 - Pamploni 1 noćenje sa doručkom,
 - Zaragozi 1 noćenje sa doručkom,
 - Valensiji 2 noćenja sa doručkom,
 - Madridu 2 noćenja sa doručkom,
- razgledi i posjete prema programu putovanja (osim fakultativnih izleta),
- usluge Golden tours-ovog pratioca grupe tokom putovanja (od polaska do povratka),
- troškove organizacije i rezervacije.

CIJENA NE UKLJUČUJE:

- aerodromske takse u iznosu od 350,00 KM,
- putno zdravstveno osiguranje 15,00 KM (osobe preko 60 godina plaćaju 30,00 KM),
- doplata za 1/1 sobu 450 KM,
- izlet Bilbao 30 EUR (bus prevoz i pješačka tura bez ulaznica), ulaznica za muzej Guggenheim 15 EUR (informativna cijena), ulaznica za palatu Aljaferia 5 EUR,
- fakultativni izlet Valensija pješačka tura 30 EUR (bez ulaznica),
- fakultativni izlet Madrid 50 EUR (bus prevoz i pješačka tura), ulaznice i druge troškove koji nisu predviđeni programom putovanja.

PAKET IZLETA 100 EUR (200 KM) ZA PRIJAVE PRILIKOM REZERVACIJE.

Rezervacije i plaćanje: Prilikom rezervacije obavezna je uplata 40% total iznosa, ostatak 20 dana do polaska na putovanje.

Važna napomena: Avio kompanije, uslijed određenih okolnosti, zadržavaju pravo promjene rasporeda leta što uključuje mijenjanje vremena polijetanja i slijetanja, kao i otkazivanja letova bez prethodne obavijesti. Konačne i finalne satnice letova će biti poslone u završnim obavijestima koje šaljemo do 5 do 7 dana prije putovanja.

Svi fakultativni izleti i posjete su na dobrovoljnoj bazi, plaćaju se našem predstavniku agencije u inostranstvu i za iste Golden tours doo nije u mogućnosti izdati fiskalni račun niti bilo koju vrstu potvrde.

Potrebno je 20 - 24 prijavljenih putnika za realizaciju izleta po navedenim cijenama. U slučaju manjeg broja prijavljenih putnika, izleti se mogu realizovati uz korekciju cijene.

NAPOMENA: Lokalna turistička agencija (organizator fakultativnih izleta) zadržava pravo promjene cijene, dana realizacije i minimalnog broja putnika za realizaciju izleta.

Preporučujemo policu osiguranja od otkaza putovanja Sarajevo osiguranje.

Uz ovaj program vrijede Opšti uslovi o organizovanju putovanja Golden tours doo Tuzla i sastavni su dio programa putovanja, a nalaze se na www.goldentours.ba

U slučaju manjeg broja putnika, povećanja cijene goriva i drugih kalkulativnih elemenata zadržavamo pravo povećanja cijene aranžmana ili otkaza putovanja najkasnije 5 dana do polaska na putovanje.

Program radjen na bazi 25 putnika.

